

**ZAPISNIK SA TREĆE SJEDNICE VIJEĆA RODITELJA  
JU TREĆE GIMNAZIJE  
U ŠKOLSKOJ 2020/2021. GODINI**

Treća sjednica Vijeća roditelja održana je 09.marta 2021. godine u amfiteatru škole uz poštivanje svih epidemioloških mjera sa početkom u 17 sati. Uz poziv za održavanje sjednice koji je članovima Vijeća roditelja dostavljen 19.02.2021. dostavljen je i Dnevni red:

1. Usvajanje Zapisnika sa Druge redovne sjednice Vijeća roditelja JU Treća gimnazija – predsjednica Vijeća roditelja
2. Analiza uspjeha u učenju i vladanju na kraju I polugodišta – zamjenica direktorice
3. Upoznavanje Vijeća roditelja sa novim školskim projektima (projekt TABLA, BBI liga šampiona, formiranje Savjetodavnog odbora Treće gimnazije, Centar za izvrsnost i liderstvo, formiranje Udruženja alumnista Treće gimnazije) – direktorica
4. Upoznavanje Vijeća roditelja s nabavkom i kupovinom tehničke opreme i poboljšanja školske internet infrastrukture – rukovaoc nastavnom tehnikom i opremom
5. Informacije o promotivnom videu škole i obilježavanju Dana škole – direktorica
6. Tekuća pitanja

U predviđenom periodu nije bilo prijedloga za izmjene i dopune Dnevnog reda, te je isti na sjednici prihvaćen. Na sjednici je prisustvovalo 12 predstavnika VR.

**Ad/1**

Na Zapisnik sa druge sjednice Vijeća roditelja nije bilo prijedloga za izmjene i dopune u ostavljenom periodu, te je isti usvojen.

**Ad/2**

Vijeće roditelja primilo je k znanju informaciju o uspjehu u učenju i vladanju na kraju I polugodišta. Analiza uspjeha u I polugodištu školske 2020/2021 godine u odnosu na isti period prethodne godine pokazala je bolje rezultate u uspjehu u odnosu na prethodni period. U skladu sa uslovima pod kojim se nastava obavljala u skladu sa epidemiološkom situacijom izazvanom pandemijom COVID 19, utvrđeno je da je ostvaren nastavni plan i program, da su planirani časovi realizovani u skladu sa Metodologijom rada u online okruženju i preporukama MONKS-a. Frekvencija ocjenjivanja je zadovoljavajuća i u skladu je sa realnim stanjem prelaska na kombinovani i online model nastave.

### **Ad/3**

Vijeće roditelja je od strane direktorice Salihović upoznato sa informacijom o novim školskim projektima (projekt TABLA, BBI liga šampiona, formiranje Savjetodavnog odbora Treće gimnazije, Centar za izvrsnost i liderstvo, formiranje Udruženja alumnista Treće gimnazije).

### **Ad/4**

Vijeće roditelja upoznato je sa informacijom o nabavci i kupovini tehničke opreme i poboljšanja školske internet infrastrukture, a prema pokrenutim aktivnostima u proteklom periodu od strane Vijeća roditelja i angažmana određenog broja roditelja na realizaciji aktivnosti.

U okviru ove tačke Dnevnog reda dat je prijedlog od strane roditelja da se u realiziranju aktivnosti instaliranja opreme i radova koji se budu provodili angažuju i učenici sa informatičkog smjera, u cilju upoznavanja učenika sa praktičnim aspektima oblasti koje izučavaju. Data je bezrezervna podrška u pomoći i realizaciji potrebnih aktivnosti kako bi se oprema što prije dovela u upotrebu i počela koristiti u izvođenju online nastave.

### **Ad/5**

Vijeće roditelja primilo je k znanju informaciju o promotivnom videu škole i obilježavanju Dana škole sa kojim ih je upoznala direktorica Salihović.

### **Ad/6**

U okviru tačke Razno, roditelji su izrazili zabrinutost o relativno dugom periodu odvijanja nastave izvan prostorija škole, te bojazan da će protekli period i način odvijanja nastave online metodom ostaviti zasigurno posljedice, kako u pogledu socijalnog aspekta odgoja i odrastanja djece, tako i u pogledu kvalitativnog znanja koje su djeca usvojila na ovaj način.

Sarajevo, 15.03.2021. godine

Zapisnik III sjednice sastavila Aida Imamović, sekretar-zapisničar Vijeća roditelja

Zapisnik ovjerala, predsjednica Vijeća roditelja, Suzana Berberović

**ZAPISNIK SA DRUGE SJEDNICE VIJEĆA RODITELJA  
JU TREĆE GIMNAZIJE  
U ŠKOLSKOJ 2020/2021. GODINI**

Druga sjednica Vijeća roditelja održana je elektronskim putem (e mailom), u periodu od 30.11.2020.-04.12.2020. godine. Predložen je slijedeći Dnevni red, koji je članovima Vijeća roditelja dostavljen 30.11.2020. godine:

- Usvajanje Zapisnika sa I sjednice Vijeća roditelja JU Treća gimnazija
- Usvajanje Programa rada Vijeća roditelja za školsku 2020/2021. godinu
- Analiza uspjeha u učenju i vladanju na kraju I klasifikacionog perioda
- Izvještaj o realizaciji online nastave i kombinovanog modela nastave
- Informacija o realizaciji Decembarskih dana kulture
- Izvještaj o realizaciji inicijative Vijeća roditelja za nabavku materijalno-tehničke opreme za unapređenje IT infrastrukturne mreže
- Razno

Članovima Vijeća roditelja je uz prijedlog Dnevnog reda za drugu sjednicu Vijeća roditelja, dostavljen i materijal po predloženim tačkama Dnevnog reda, te poziv za dostavljanje prijedloga dopuna i primjedbi po dostavljenom materijalu do 07. decembra 2020. godine. U predviđenom periodu nije bilo prijedloga za izmjene i dopune Dnevnog reda, te je isti prihvaćen.

**Ad/1**

Na Zapisnik sa prve sjednice Vijeća roditelja nije bilo prijedloga za izmjene i dopune u ostavljenom periodu, te je isti usvojen.

**Ad/2**

Na prijedlog Plana i programa rada Vijeća roditelja za školsku 2020/2021. godinu, nije bilo primjedbi. Obzirom da se radi o okvirnom planu kojeg bi Vijeće trebalo realizirati, dobrodošli su svi drugi prijedlozi i aktivnosti koje bi Vijeće moglo uvrstiti u Plan i program rada za školsku 2020/2021. godinu.

**Ad/3**

Vijeće roditelja primilo je k znanju Izvještaj o uspjehu, vladanju i izostancima tokom I klasifikacionog perioda koji je pripremila gđa Hasija Dedović.

Članovi Vijeća roditelja su informisani da Školsku 2020./2021. godinu pohađaju 557 učenika.

Prema izvještajima razrednika 24 odjeljenja, utvrđeno je da je ostvaren nastavni plan i program, da su planirani časovi realizovani u skladu sa Metodologijom rada u online okruženju i preporukama MONKS-a. Frekvencija ocjenjivanja je zadovoljavajuća i u skladu je sa realnim stanjem prelaska na kombinovani i online model nastave. Tokom prvog klasifikacionog perioda ocijenjeni su svi učenici, nema učenika sa potvrđenim negativnim ocjenama iz dva ili više predmeta.

Od 557 učenika, 530 učenika imaju primjerno vladanje, a 27 učenika vrlo dobro vladanje.

Do sredine I polugodišta učenici su napravili ukupno 1494 izostanka (1448 opravdanih i 46 neopravdanih izostanaka).

U periodu od 01.09.-06.11.2020., ukupno je 15 učenika koji su obolili od COVID-a, a od kojih se 6 oporavilo.

#### **Ad/4**

Članovi Vijeća roditelja primili su k znanju Izvještaj o realizaciji kombinovanog modela nastave i online nastave, koji je pripremila gđa Hasija Dedović. Upoznati su sa poteškoćama koje su uočene u dosadašnjem periodu odvijanja nastave kao i mjerama potrebnim za unapređenje rada u kombinovanom modelu i online okruženju.

#### **Ad/5**

Vijeće roditelja primilo je k znanju informaciju o realizaciji ovogodišnjih Decembarskih dana kulture koju je pripremila prof. gđa Merima Pašalić.

Decembarski dani kulture će se u skladu sa epidemiološkom situacijom i načinom odvijanja nastave, ove godine realizovati online putem. Učestvovanje na istim nije obavezno, isti neće biti takmičarskog karaktera, a tema na koju će se isti realizovati je "Život u pandemiji/izolaciji".

#### **Ad/6**

Vijeće roditelja primilo je k znanju dopunu informacije o realizaciji inicijative Vijeća roditelja za nabavku materijalno-tehničke opreme za unapređenje IT infrastrukturne mreže.

U okviru materijala za Drugu sjednicu Vijeća roditelja, članovi su informisani o promjeni u prikupljenim novčanih sredstvima u odnosu na Izvještaj koji je nakon akcije dostavljen 29.10.2020. svim članovima Vijeća roditelja. Primljena je k znanju informacija o ukupnom iznosu novčanih sredstava prikupljenih u okviru ove inicijative koja iznosi KM=3.480,00.

#### **Ad/7**

U okviru perioda izjašnjavanja, predstavnik III 6 razreda gospodin Armin Zeba izrazio je neslaganje sa načinom funkcioniranja Vijeća roditelja putem e mail prepiski, obzirom na raspoloživost platformi pomoću kojih se mogu organizovati online sjednice.

Sarajevo, 14.12.2020. godine

Zapisnik II sjednice sastavila Aida Imamović, sekretar-zapisničar Vijeća roditelja

Zapisnik ovjerala, predsjednica Vijeća roditelja, Suzana Berberović

**ZAPISNIK S PRVE SJEDNICE VIJEĆA RODITELJA  
JU TREĆE GIMNAZIJE  
U ŠKOLSKOJ 2020/21. GODINI**

Prva sjednica Vijeća roditelja održana je u četvrtak, 08.10.2020. godine s početkom u 17.30 sati u amfiteatru Škole. Sjednica je održana uz poštivanje propisanih epidemioloških mjera u cilju zaštite od bolesti COVID-19.

Uvidom u spisak prisutnih roditelja konstatovano je da sastanku prisustvuje 18 članova Vijeća roditelja Treće gimnazije, direktorica Škole, Senada Salihović, pedagog Škole, Hasija Dedović, predstavnik roditelja u Školskom odboru – gđa. Nada Sokolović i predsjednik Vijeća roditelja u školskoj 2019/20. godini, gospodin Murčo Obućina.

Prvoj sjednici Vijeća roditelje nije prisustvovalo šest članova Vijeća: predstavnik I-1, gđa. Mirsada Maglajlija (pogrešna e-mail adresa), predstavnik III-2, gđa. Dajana Dedić Legin (prethodno najavila i opravdala odsustvo), predstavnik III-3, gđa. Sabina Šunjic (prethodno najavila i opravdala odsustvo), predstavnik odjeljenja III-6, gđin. Armin Zeba, predstavnik IV-2 gđin. Omer Osmanović i predstavnik IV-5, gđa. Lejla Čatić, (prethodno najavila i opravdala odsustvo).

Broj prisutnih članova zadovoljava kvorum za odlučivanje.

Sastanak je otvorila direktorica škole pozdravljanjem prisutnih roditelja kojima je zaželjela uspješan rad i kvalitetnu saradnju u školskoj 2020/21. godini.

Predložen je sljedeći dnevni red, koji je članovima Vijeća roditelja prethodno dostavljen e- mailom:

1. Konstituisanje Vijeća roditelja JU Treća gimnazija za školsku 2020/2021. godinu, prema čl. 6 Poslovnika o radu Vijeća roditelja JU Treća gimnazija (gđa. Senada Salihović, direktorica)
2. Upoznavanje sa Poslovníkom o radu Vijeća roditelja JU Treća gimnazija (g. Murčo Obućina, predsjednik Vijeća roditelja u šk. 2019/20. god.)
3. Izbor rukovodstva Vijeća roditelja u školskoj 2020/20. godini, prema članu 9. Poslovnika o radu Vijeća roditelja JU Treća gimnazija i primopredaja dužnosti
4. Izvještaj o radu Vijeća roditelja za školsku 2019/2020. godinu (g. Murčo Obućina, predsjednik Vijeća roditelja u šk. 2019/20. god.)
5. Predstavljanje člana u Školskom odboru iz reda roditelja (gđa. Nada Sokolović)
6. Izvještaj o rezultatima uspjeha učenika u učenju i vladanja u školskoj 2019/2020. godini (gđa. Hasija Dedović, pedagog)
7. Izvještaj o vannastavnim aktivnostima u toku šk. 2019/20. godini (gđa. Hasija Dedović, pedagog)

8. Razno – Inicijativa za nabavku materijalno-tehničke opreme školi za kvalitetniju realizaciju kombinovanog modela nastavnog procesa – (dopuna dnevnog reda na inicijativu predstavnika I-4, gđin. Kenan Čaklovica)

Dnevni red je jednoglasno usvojen i *dopunjen tačkom 8*, a na prijedlog predstavnika I-4, gđin. Kenana Čaklovice.

#### **Ad/1**

Sjednicu je otvorila direktorica, Senada Salihović i zaželjela uspješan rad predstavnicima roditelja u Vijeću. Direktorica je prisutne upoznala sa aktivnostima koje su poduzete na početku školske godine, kako bi se obrazovni proces u novim uvjetima – kombinovanog i online modela nastave odvijao nesmetano i bio adekvatna zamjena za redovni nastavni proces.

Direktorica je prozvala prisutne predstavnike roditelja koji su odabrani da predstavljaju roditelje svog odjeljnja u Vijeću roditelja Treće gimnazije u ovoj školskoj godini. U spisku za evidenciju prisustva članova Vijeća, roditelji su provjerili svoje lične podatke koje su ranije dostavili preko razrednika i potpisom ovjerali prisustvo. Nakon toga je ustanovljeno da su ispunjeni uslovi za konstituisanje Vijeća roditelja za školsku 2020/21. godinu.

Za riječ su se obratile gđa. Aida Ajanović, predstavnica IV-6 i gđa. Velma Rebić, predstavnica III-5 te su željele pohvaliti dosadašnju organizaciju i rad škole u toku online nastave i u kombinovanom modelu nastave, posebno su istakle značaj održavanja nastave putem video poziva i održavanje tzv. „live“ časova. Direktorica je istakla da nastojimo omogućiti nastavnicima optimalne uvjete za izvođenje ovakvih oblika nastave, ali da trebamo poboljšati internet mrežu i nabaviti još neka tehnička sredstva (kamere, laptope i sl.) koja nam nedostaju, kako bi se većina nastavnih časova mogla odvijati nesmetano uključujući i učenike koji od kuće prate nastavu u kombinovanom modelu nastave. Gđin. Kenan Čaklovica je dodao da je zbog toga predložio i dopunu dnevnog reda vezanu za pružanje potrebne materijalne podrške školi kako bi nastava bila još kvalitetnija i da uvijek ima prostora za unapređenje nastavnog procesa u ovim novim uvjetima rada u školi.

#### **Ad/2**

Predsjednik Vijeća roditelja u školskoj 2019/20. godini, gđin. Murčo Obućina, upoznao je prisutne s postojećim Poslovníkom o radu Vijeća roditelja u JU Treća gimnazija, i podsjetio roditelje na važnost poznavanja Poslovníka o radu Vijeća roditelja, kako bi rad roditelja u Vijeću na sjednicama bio kvalitetan i u skladu s odredbama Poslovníka. Predsjednik je istakao značaj uloge predstavnika

roditelja u Vijeću i još napomenuo važnost komunikacije i razmjene informacija sa sjednica Vijeća svim roditeljima odjeljenja i obratno. Napomenuo je da ukoliko ovaj saziv Vijeća smatra potrebnim, može uraditi izmjene ili dopune Poslovnika, koji će se konačno usvojiti na drugoj redovnoj sjednici Vijeća roditelja.

Gdin. Murčo Obućina, je prisutne upoznao sa Protokolm saradnje i komunikacije roditelja sa školom koji je donijelo Vijeće roditelja u saradnji sa školom prije dvije godine. On je zamolio članove Vijeća da roditelje svog odjeljenja upute na poštivanje ovog dokumenta, a naročito u dijelu redosljeda u komunikaciji koja ide najprije od razrednika, predmetnog profesora, zatim pedagoga, zamjenika direktorice i direktorce i dalje Školskog odbora i viših instanci, ako je to potrebno. Pozvao je članove Vijeća roditelja na korektnu saradnju, i podršku roditelja radu škole.

### **Ad/3**

Direktorica Škole, gđa. Senada Salihović, pozvala prisutne da iznesu svoje prijedloge za imenovanje rukovodstva Vijeća roditelja za školsku 2020/21. godinu. Podsjetila je da rukovodstvo čine: predsjednik Vijeća, zamjenik predsjednika i sekretar.

Predsjednik prošlogodišnjeg saziva Vijeća roditelja, gdn. Murčo Obućina, predložio je gđu. Suzanu Berberović za novu predsjednicu Vijeća, navodeći da je bila član Vijeća roditelja već dvije godine, da je redovno prisustvovala sjednicama, te da je poznaje procedure rada i dobro razumije problematiku škole. Pošto nije bilo novih prijava, prešlo se na glasanje, te je jednoglasno izabrana gđa Suzana Berberović za predsjednicu Vijeća roditelja u šk. 2020/21. god. Na prijedlog gđe. Velme Rebić gdn. Kenan Čaklovica, jednoglasnom odlukom, izabran je za zamjenika predsjednice Vijeća roditelja, a drugih prijedloga nije bilo. Za sekretara Vijeća roditelja, takođe jednoglasno, odabrana je gđa. Aida Imamović.

Zatim je izvršena primopredaja dužnosti, a sva dokumentacija Vijeća roditelja iz prethodnih školskih godina nalazi se u školskoj arhivi kod pedagoga Škole.

### **Ad/4**

Predsjednik Vijeća roditelja u školskoj 2019/20. godini, gdn. Murčo Obućina, podnio je Izvještaj o radu Vijeća roditelja za školsku 2019/20. godinu. Izvještaj je jednoglasno usvojen i nalazi se u prilogu ovog zapisnika.



#### **Ad/5**

Predstavnica roditelja u Školskom odboru, gđa. Nada Sokolivić, se predstavila Vijeću i najavila svoje redovno prisustvo sjednicama Vijeća roditelja, te pozvala roditelje na delegiranje pitanja prema Školskom odboru.

#### **Ad/6**

Pedagog Škole, Hasija Dedović, upoznala je Vijeće roditelja s Izvještajem o rezultatima učenika u učenju, vladanju i izostancima u školskoj 2019/20. godini. Ona je istakla da možemo biti zadovoljni rezultatima u učenju i vladanju naših učenika, da je prosjek uspjeha na nivou škole 4,73 i da je broj izostanka smanjen u odnosu na godinu prije, a razlog manjeg broja izostanaka prelazak na realizaciju online nastave u II polugodištu. Cjelokupni izvještaj nalazi se u prilogu ovog zapisnika.

#### **Ad/7**

Pedagog Škole, Hasija Dedović, upoznala je Vijeće roditelja s Izvještajem o realizaciji vannastavnih aktivnosti, projekata i drugih oblika odgojno-obrazovnog rada u školskoj 2019/20. godini. Ona je izdvojila najznačajnije školske projekte i slobodne aktivnosti učenika, istakla važnost uloge škole u kreiranju slobodnog vremena učenika, te saradnju učenika, roditelja i nastavnika u zajedničkim odgojno-obrazovnim aktivnostima. Cjelokupni izvještaj se nalazi u prilogu zapisnika.

#### **Ad/8**

Na prijedlog predstavnika I-4, gđin. Kenana Čaklovice, Vijeće roditelja je podržalo inicijativu za materijalnu pomoć školi u nabavci potrebne tehničke opreme koja nedostaje, a u cilju poboljšanja uvjeta za kvalitetnu realizaciju kombinovanog modela nastavnog procesa. Poslije provedene diskusije, zaključeno je da će Vijeće roditelja uzeti učešće u inicijativi za prikupljanje novčanih sredstava po odjeljenjima za nabavku / kupovinu potrebnih tehničkih nastavnih sredstava. Zaključeno je i da će predstavnici Vijeća roditelja unutar svog odjeljenja pokrenuti i organizirati prikupljanje novčanih sredstava putem odjeljenjskog blagajnika i učestvovati u kupovini potrebne tehničke opreme u saradnji sa školom. Za stručnu pomoć u odabiru tehničke opreme i ostale aktivnosti javili su se predstavnici odjeljenja III-1, II-1 i II-5. Direktorica je obavezna dostaviti spisak nedostajuće opreme predsjednici Vijeća roditelja.

Prva sjednica Vijeća roditelja završena je u 19:10 sati.

Zapisnik I sjednice sastavila Hasija Dedović, pedagog Škole

---

Zapisnik ovjerila, predsjednica Vijeća roditelja, Suzana Berberović

---